

Guangjisi Minzcu Bau

ganhhau: CN45-0036 B.2016 Nd.5 Ng.11 liggaeuq bingjsaen nienz ndwenseiq cohaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3223期

Guekgya Minzvej, Gyauyuzbu Bae Daengz Dwzbaui Yen Dukcaz Hong Minzcu Gyauyuz

国家民委、教育部到德保县督察民族教育工作

Mboengqneix, Guekgya Minzvej, Gyauyuzbu Duzcazcu gungh 3 boux bae daengz Baksak Si Dwzbaui Yen doiq gyavaiq hwngfat hong minzcu gyauyuz guh dukcaz.

Duzcazcu gonqlaeng haeuilaeg daengz aen yienh neix Duh'anh Yangh Cungsim Siujoyz, Yen Daihngelh Youwzyenz caeuq Yen Daegbied Gyauyuz Hagdangz daengj danhvei, dingq le gij bauqlwnh gvendaengz hagdangz haiguh hong minzcu gyauyuz cingzgvang, roxyiuj aen yienh neix

Cuengh Gun song saw vah gyauyuz, minzcu doxgiet gyauyuz caeuq minzcu vwnzva swncienz daengj fuengmienh hong hwngfat cingzgvang. Duzcazcu haenhndei gij cingzcu Dwzbaui Yen youq seiz gyavaiq hwngfat hong minzcu gyauyuz aeundaeg haenx. Iugouz aen yienh neix gak gaep dangvej cingfuj laebdaeb haeuilaeg gvancez lozsiz 《Gij Gietdingh Goz-vuyen Mizgven Gyavaiq Hwngfat Minzcu Gyauyuz》caeuq gij cingsaenz Aen Hoih Daihroek Baez Hong Minzcu

Gyauyuz Daengx Guek, yiemzgek hengzguh dangcunghyangh, gozvuyen mizgven minzcu gyauyuz gak hangh fuengcim cwngcwz, vaiqdi guhbaenz saujsu minzcu gyauyuz diji hab bonjdieg saedsaeh, gig miz bonjdieg daegsaek haenx, vih coicaenh ginghci ndawbiengz hwngfat, henhoh ndaw-biengz ancienz onjdingh, coicaenh minzcu doxgiet guh ok gungyen hungloet.

(Nungz Yungjfang/农永放)



Lungzswng:

Vuenheij Raeujrub
Gvaq "Ciet Daxmeh"

龙胜:快乐温馨
过“母亲节”

5 nyied 8 hauh, ciet daxmeh ngoenzhaenx, Lungzswng Gak Cuz Swciyen banh "ganjwnh ciet daxmeh" ndiep lwg hozdung, 100 lai boux lwgnyez caeuq daxmeh swheij itheij guh gaugyaq, cimz gaugyaq, doengzcae roxnyinh gij vuenheij caeuq raeujrub ciet daxmeh. Ndaw doz dwg meh lwg itheij guh gaugyaq.

(Banh Cisiengz/潘志祥)

Ginhsiu Yungh Lai Cungj Banhfap Doidoengh Hong Lijyouz Bangcoengh

金秀多措并举推动旅游扶贫工作

Vih cienzmienh dwk ndei cingcinj bangcoengh gunghgenhan, Ginhsiu gig yawjnaek hong lijyouz bangcoengh, mboujduenh gya'gvangq lohnaemj, gaenxmaenx yungh banhfap ndei, doidoengh lijyouz bangcoengh haeuilaeg haiguh.

It dwg haenqrengz hwngfat lajmbanj lijyouz. Gaenjmaed giethab "bak leix Mbanjyauz fungcingz ranzveh" hanghmoeg hwnjguh, cungfaen fatok henzloh caeuq henzgyawj mbanj gingisaek daegsaek, minzsuz daegsaek, canjnieb daegsaek daengj gijndei swhyenz, ndaw bi cungdenj doicaenh Bingzdau, Dalingj, Lozyin daengj lijyouz mbanjguhyienh hwnjguh, doeng-gvaq guhyienh daiqdaez cozyung, caenh'itbough doicaenh hong lijyouz bangcoengh haeuilaeg haiguh.

Ngeih dwg cingjhab swhyenz,

doengzcae doicaenh. Cingjhab gak bumwnz swhyenz, gaenxmaenx doxhwnj ceng'aeu ngaenzcienz, doiq gak mbanj Yauzcuz haeuicoengh hanghmoeg caeuq ngaenzcienz, bangcoengh gyoengqde dwk ndei roenloh lajmbanj, cingjceih vanzging aenmbanj, coih ndei baujhoh ranz gaueq daengj; gaenxmaenx damqra dohyenzva roengzbonj fuengsik guh haifat hwnjguh, aeu cwngfuj haeuicoengh caeuq vnzlai gag bued roengz giethab hwnjdaeu, gaenxmaenx gujli caeuq sonyinx ngaenzcienz ndawbiengz lailai camgya haifat, mboujduenh gyahung lajmbanj lijyouz hanghmoeg cauhsangh ligdoh, bangcoengh gij lajmbanj lijyouz haifat hanghmoeg binjcaet sang, daengjgaep sang haenx, doicaenh lijyouz bangcoengh yienq caengzmienh sang hwngfat.

Sam dwg gujli vnzlai gaenxmaenx

camgya lijyouz hozdung. Caenh'itbough sonyinx dangdieg vnzlai yungh ndei gijndei minzsuz lijyouz swhyenz, cujcz haiguh ndei baenzdau minzsuz yien-heiq hozdung, gaenxmaenx hwngfat daegsaek nungzgyahloz lijyouz hanghmoeg, dajcaux daegsaek minzsuz lijyouz fugsah binjbaiz, gyalai dangdieg vnzlai souhaeu, bangcoengh dangdieg vnzlai vutgungz baenzfouq.

Seiq dwg coicaenh lijyouz bangcoengh couhnieb. Doenggvaq moix geiqdoh banh lijyouz bangcoengh couhnieb ciendaez hoihciuvunz, lijyouz canjnieb gunghsw yienhciengz ciu vnz, daezhawj couhnieb gangjvei, aeu daegsaek lijyouz fugsah canjnieb caeuq bangcoengh couhnieb guhhong dox giethab hwnjdaeu, mizyauq doicaenh hong bangcoengh caeuq lijyouz canjnieb hwngfat.

(Veiz Yinbinh/韦运斌)

SIUSIK DINJ

简讯

● 5 nyied 6 hauh, Namzningz Si Minzvej ciuhai "song hag it guh" hagsib gyauyuz gunghcoz hoih-naenghdamz nem daih'it ciendaez hagsib yenzdaujvei, aen si neix minzvej daengx-cungq ganbu camgya haihoih. Gwnz hoih, aen si neix minzvej dangcuju suhgi, cujyin Suh Cigangh lwnh-naeuz le gij cingsaenz daengx si "song hag it guh" hagsib gyauyuz gunghcoz hoih-naenghdamz, caemhcai doiq aen si neix minzvej haiguh "song hag it guh" hagsib gyauyuz hozdung guh dungyenz.

(Luz Genyij)

● 5 nyied 4 hauh, Ningzmingz Yen Yinzminz Vujcanghbu ciucomz 13 aen yanghcin 20 boux vujcanghbu buchang, conheiz vujcangh gansw ngamq hwnjnyaemh haenx guh yezvu beizyin, beizyin ngoenz ndeu. Doeng-gvaq beizyin, bangcoengh conhvuj ganbu vaiqdi sugrox hong vujcangh, daezsang yezvu naengzlig, demgiengz gyaec bing yizsi.

(Cauh Yizganh Yenz Siyinh)

● 5 nyied 5 hauh, bouxndaemcaz youq Cauh-bingz Yen Byadanaujsanh Swnghdai Suencaz mbaet caz. Seizciet laebhah, Cauhbingz Yen 19 fanh lai moux suencaz laebdaeb baenz mbaet, moix ngoenz cungj miz fanh lai boux bouxndaemcaz hwnj bya mbaet caz.

(Liuz Feih Cinz Gen)

● 5 nyied 4 hauh, Lozyez Yen youq Yen Daih'it Cogaep Cunghyoz banh canghfwen ndawhag doxdax, 40 boux hagseng daj daengx yienh cunghyoz daeu haenx caemhdaiz doxdax, yungh yaemgo ciengq ok siengjmuengh bonjfaenh. Baez doxdax neix muzdiz dwg fungfouq rogdangz seizhoengq vwnzva saedcej hagseng, vih hagseng dap aen bingzdaiz baijyienj bonjfaenh ndeu, doengzseiz coicaenh daengx yienh hagdangz gungcingh-donz vwnzva hwnjguh.

(Vangz Yizsui)